



# ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ ՈՐՈՇՈՒՄ

«Յ» դեկտեմբերի 2015թ.

N 806-Ն

ք. Ստեփանակերտ

## ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2004 ԹՎԱԿԱՆԻ ՄԱՐՏԻ 16-Ի N 63 ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆ, ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2004 ԹՎԱԿԱՆԻ ՆՈՅԵՄԲԵՐԻ 16-Ի N 399 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

«Պետական կառավարչական հիմնարկների մասին» Լեռնային Ղարաբաղի Հանրապետության օրենքի 11-րդ, «Իրավական ակտերի մասին» Լեռնային Ղարաբաղի Հանրապետության օրենքի 71-րդ հոդվածներին համապատասխան՝ Լեռնային Ղարաբաղի Հանրապետության կառավարությունը **ո ղ ո շ ու մ է**.

1. Լեռնային Ղարաբաղի Հանրապետության կառավարության 2004 թվականի մարտի 16-ի «Լեռնային Ղարաբաղի Հանրապետության գյուղատնտեսության նախարարության աշխատակազմ» պետական կառավարչական հիմնարկ ստեղծելու, Լեռնային Ղարաբաղի Հանրապետության գյուղատնտեսության նախարարության կանոնադրությունը և աշխատակազմի կառուցվածքը, գույքի կազմը և չափը հաստատելու մասին» N 63 որոշման մեջ կատարել հետևյալ րացումները և փոփոխությունը՝

1) որոշման N 1 հավելվածում՝

ա. 7-րդ կետը լրացնել հետևյալ բովանդակությամբ՝ նոր «ժբ» և «ժգ» ենթակետերով.

«ժբ) պետական սեփականություն հանդիսացող ջրային համակարգերի կառավարման և անվտանգ օգտագործման ապահովումը.

ժգ) ջրային համակարգերի կառավարման քաղաքականության մշակման և իրականացման ապահովումը:»,

բ. 8-րդ կետը լրացնել հետևյալ բովանդակությամբ՝ նոր «թ<sup>1</sup>» և «թ<sup>2</sup>» ենթակետերով.

«թ<sup>1</sup>) ջրային համակարգերի շահագործման հայեցակարգերի, ծրագրերի մշակում և իրականացման մոնիթորինգ.

թ<sup>2</sup>) Լեռնային Ղարաբաղի Հանրապետության ջրային օրենսգրքով նախատեսված գետերի ջրերի վնասակար ներգործության կանխման և վերացման միջոցառումների մշակում և իրականացման մոնիթորինգ.».

2) որոշման N 2 հավելվածը շարադրել նոր խմբագրությամբ՝ համաձայն հավելվածի:

2. Լեռնային Ղարաբաղի Հանրապետության կառավարության 2004 թվականի նոյեմբերի 16-ի «Ջրային ռեսուրսների և ջրային համակարգերի բնագավառում

պետական վերահսկողություն իրականացնող մարմինները և դրանց գործառույթները սահմանելու մասին» N 399 որոշման 1-ին կետը շարադրել հետևյալ խմբագրությամբ՝

«1.Սահմանել, որ ջրային ռեսուրսների պահպանության բնագավառում պետական վերահսկողությունն իրականացնում է Լեռնային Ղարաբաղի Հանրապետության կառավարությանն առընթեր շրջակա միջավայրի և բնական ռեսուրսների վարչությունը, իսկ ջրային համակարգերի պահպանության բնագավառում՝ Լեռնային Ղարաբաղի Հանրապետության գյուղատնտեսության նախարարությունը:»:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**ԼԵՌՆԱՅԻՆ ՂԱՐԱԲԱՂԻ  
ՀԱՆՐԱՊԵՏՈՒԹՅԱՆ ՎԱՐՉԱՊԵՏ**

**Ա. ՀԱՐՈՒԹՅՈՒՆՅԱՆ**

Հավելված  
Լեռնային Ղարաբաղի  
Հանրապետության կառավարության  
2015 թվականի դեկտեմբերի 3-ի  
N 806-Ն որոշման

«Հավելված N2  
Լեռնային Ղարաբաղի  
Հանրապետության կառավարության  
2004 թվականի մարտի 16-ի  
N 63 որոշման

## ԿԱՌՈՒՑՎԱԾՔ

### ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ ԱՇԽԱՏԱԿԱԶՄԻ

#### I. Կառուցվածքային ստորաբաժանումներ

##### 1. Վարչություններ

1) Անասնաբուծության և անասնաբուժության վարչություն

##### 2. Բաժիններ

- 1) Գյուղատնտեսության ծրագրավորման, մարքեթինգի և ագրովերամշակման բաժին
- 2) Ջրային տնտեսության և ինժեներական մեխորացիայի բաժին
- 3) Ֆինանսաբյուջետային բաժին
- 4) Հաշվապահական հաշվառման բաժին
- 5) Բուսաբուծության և բույսերի պաշտպանության բաժին
- 6) Իրավաբանական բաժին
- 7) Տեղեկատվության, հասարակայնության հետ կապերի և համակարգչային սպասարկման բաժին
- 8) Ընդհանուր բաժին

#### II. Առանձնացված ստորաբաժանումներ

- 1) Գյուղատնտեսական տեխնիկայի պետական տեսչություն
- 2) Ջրային համակարգերի օգտագործման և պահպանության պետական տեսչություն»:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ-ՆԱԽԱՐԱՐ

Լ. ԳՐԻԳՈՐՅԱՆ